



DO, DA?EKE EYITS'O, NI

DÌI DA?EKE SÌI AYÌI NEÈ?

Canada k'ezhì, sìlái xo t'at'e dọ da?eke. Dìi da?eke sìi dọ gíkò t'at'e dìi hanì ghọ dageke, adì nàgedè, edàani gixè hòrọ eyits'ọ edàani sọmmba degeètsì weghọ dageke. Canada k'ezhì dọne t'ala asìi gehshè dè eyìi wegondì weghọ dageke. Hazhọ elexè, Canada edàani hazhọ goxè hòrọ weghà wek'ezhọ, dọne edàani jọ nàdè eyits'ọ dọne edàat'ọ asìi yàeshshè, dìi hanì wegondì sìi gogha wet'a?à họt'e wet'à t'èot'ìì gixè ìadì at'ì, dek'eta eyits'ọ edegha eghàlats'eda nàowo hazhọ wet'à hotì nezì gogha nàowo gehtsì ha wet'a?à.

EDÀANÌGHỌ DA?EKE SÌI WET'A?À?

Dìi da?eke sìi government hazhọ ts'ọ dìi hanì nàowo nàgehtsì sìi gít'at'ì wet'à dọne gha hotì nezì hòrọ, dọne sọì k'eta yàgolà eyits'ọ dọ gha eghàlaedè sìi, k'eta eyits'ọ dọne asìi yàeshe, dọne edegha eghàlagidè eyits'ọ dọne t'ala nàowo yàgìhtsìdọ sìi dìi nàowo nàgehtsì sìi sìi gìgha wet'a?à. Dìi wegondì t'à gots'anedì sìi wet'à Canada nàts'edè sìi asìi hazhọ goxè ìadì at'ì sìi wek'ets'ezhọ ha.

AMÌI SEÈ DÌI DA?EKE SEYELE HA?

Dìi 2026 da?eke sìi dọne hazhọ dìi nìht'è seyele ha. Dọne Canada nàgedè (jọ dọelì hanì-le dè eyì-le neè dọelì xè jọ ts'ọ taàt'la ha nìwọ) jọ nàdè ha nàetà, eyì-le neè ts'ọ jọ ts'ọ ade ha nìwọ (akìhò, deneè ts'ọ kweèhsha) eyì-le neè ts'ọ dọ jọ ts'ọ tageède gha goxè eghàlada, aghọdọ eyì-le neè eghàlagidè, eyits'ọ dọ goneè eghàlada ha hanì-le dè goneè hoghàwetọ ha nìht'è wọchì.

Dọ t'ala sìi asìi yàeshe k'e eghàlada hanì-le dè asìi yàeshe t'à weghọ nàedì sìi dìi nìht'è 2026 asìi yàeshe wegondì dìi da?eke nìht'è seyele ha. Dọ asìi yàeshe dọ wet'at'e dìi nìht'è weghọ da?eke sìi seyele ha.

EDÀANÌ DÌI DA?EKE WEGHÀLAGEDA?

Sanek'ọa Zaà 2026 k'e dọne edzanèk'e t'ìì gits'ọ nìj'a-le sìi dìi nìht'è gits'ọ adle ha. Dọne hazhọ eyits'ọ dọ asìi yàeshe dọ g'ìì sìi gits'ọ nìht'è T'ots'ì Zaà 2026 k'e dè nìht'è gits'ọ a?ì. Dìi nìht'è ayìi ha da?eke ha sìi wegondì dek'èt'è, eyixè edàani dìi nìht'è sets'ele ha sìi wegondì dek'èt'è.

Dìi n̄htl'è seèdla-le dè Statistics Canada naxits'ò gogede ha hanì-le dè nets'àtla t'à edàanìghò n̄htl'è senela-le dìi t'à danehke ha.

AHSÌ STATISTICS CANADA SEGONDI HOTI NEZÌ WEK'ÈGEDI NÌÌ?

Statistics Canada negondì nàgìhtà eyits'ò negondì sìi nezì wek'ehòdì gha gìghàlada. Statistics Canada dìi hazhò negondì nàgehtsì sìi, sìi hotì nezì wexòegìhdì eyits'ò wet'à edets'ats'edì gha wet'àget'ì, *Statistics Act* ghà. Dìi wegondì deèʔò dahwhò dè, [Statistics Canada's Trust Centre](#) gits'ò gahde.